

اسلام، خرستیان و موسوی و طنداشلر مه

قانون اساسی اعاده اولندی. بو سایه ده هیمز حقوق حریت مزه نائل اولدق. هیمزه حقوق متساویه بخش، هیمزه وظائف متساویه ترتیب اولندی. تأسیس ایدن مساوات سایه سنده وحدت دولتی تأمین ایده جک، مملکت مزك حصول عمران و سعادت نه خادم اوله جق تدابیری جمله مز بالاتفاق دوشونوب ساحه تطبیقه وضعه ال برلکیله چالشمق لازمه دن ایکن هنوز ایشه باشلامدن مناقشاته کیرشدک. هر ملت کندو منفعتی، منفعت عمومییه داخل دکل ایش کچی کندو حسابنه چالشمق داعیه سنه، کویا تحت تهدیده بولنان امتیازاتی محافظه قیدنه دوشدی. قانون اساسیده جماعت مختلفه یه ویرلش اولان امتیازات مذهبییه نك کاکان جریانی دولتک تحت حمایت سنده اولدینی و تدریساتک سر بست بولندینی صراحتاً بیان ایدلدیکی حالده بو امتیازات حقنده شایع اولان بر روایت اوزرینه روجه . ارمیجه غزته لر تلاش ایش تلاشلرینی کورن ترکیه غزته لر دخی بو امتیازاتک ماهیت مذهبییه لرینی نظر دقتدن دور طوته رق محاکمه لر یوروتمش لر. بو صورته له اخلاقی کیمسه نك خاطر و خیالنه کیان بطریقخانه لر امتیازاتی یوزندن بر مناقشه قلمیه آجلدی. و نتیجه ده تشقت افکار حاصل اولدی. مجلس مبعوثان انتخاباتک یولنده اجر اسیله بالعموم عثمانیلرک منافعی مدافعه یه مقتدر ذواتک انتخابی تأمین اتمک اوزره اسلام خرستیان و موسویلردن مرکب مختلط انتخاب قلوبلری تأسیسی لازمه دن ایکن هر ملت افرادی کنندن مخصوص اولمق اوزره آرو آرو قلوبلر تشکیل ایتدی بونی ده یابار ایکن هر مبعوث یالکر و کیلی بولندینی دأره نك دکل بالعموم ممالک عثمانیه نك منافعی مدافعه ایله مکلف اولدینی ده اونوتدی.

وطنداشلر مز! آیری غیری هیچ بر منفعت مز یوقدر. هیمزک منفعتی وحدت و آنک ضمتنه سطوت دولتک تأمین نفقه سنده اجتماع ایدر. اسلاملر جامعه ده مسلمان، خرستیانلر کلیساده خرستیان و موسویلر سیناغونده موسوی . جامع،

کلیسا وسیناغوندن چیقلدیمی هیمز عثمانلی یز . هیمز وطن قرداشلری یز . اما دیه جکسکزکه مأمورلرک تعییننده هر ملتک نفوس اهالیسی نسبتی کوزدملیدر . اوت حقکز وار فقط بونی شمدیکی هیئت وکلادن بکله مک عبئدر . بو ، موقت برهیئدر . بوکی شیلری بی طرفانه دوشونه جک ، یابه جق مجلس مبعوثانک بغرندن چیقه جق هیئت وکلادر .

شمدی بزم یابه جقمز بالجه عثمانلیلرک بر نقطه ده جمعی چارده سنی آرامقدر . ایسته بونک اینچون آرو آرو آشکل ایدن انتخاب قلوبلری همان برلشملی واسلام . خرسیتیان وموسولردن ینه برنسبت دائرهنده انتخاب اولنه جق مبعوثلر حقنده اتحاد افکار حاصل اولمیدر . سلامت بوتدیرده در . یوق تشئت حاصل اوله رق هر قفادن برسس چیقارسه مقصد فوت اولور کیدر .

بونی بازار ایکن خاطر مه برحکایه کلدی . چونق ایدم . رشديه دوام ایدبور ایدم . برکون قرائت کتابمزده شویله برحکایه یه تصادف ایشیدک : «حالت احتضارده بولسان بر پیرعافلک دوت اوغلی وار ایدی . بونلری برر برر یانسه چاغیره رق هر برینک کندیسنه بردکنئت کتیرمسنی تنیه ایدر . هیمی بردن چیقار . هرکس بردکنک کتیرر . اختیار دکنکلری آلور بربرلینه برسجم ایله ربط ایدر . صکره . بیوک اوغلنی یانسه چاغیرر . وبویله جه مربوط بولان دکنکلری قیرمسنی امرایدر . طیبی قیره مز . یکدیگرینی متعاقب دیگر اوچ اوغلنی چاغیرر آنلرده قیره مز . نه ممکن . صکره دکنکلری چوزر وبرر برر اوغللرینه ویرر : هرکسک النده کی دکنکی قیرمسنی سویلر . هرکس کمال سهولتله قیراز . اختیار بونی کورنجه جمله سی بردن یانسه چاغیررده » کوردیکیزی اولادلم دکنکلر بربرلینه مربوط ایکن هیچ بریکز قیره مدی ، آریلنجه هربریکز النده کی دکنکی زحمتسزجه قیردی . سزده بویله اولیکز . بربریکزدن آریلیکز . متحد اولور ایسه کز کیمسه سزه برشی یابه مز هر دولو مشکلاتی اقتحام ایدرسکز . لکن آریلور ایسه کز هرکس سزنی قولایلقله ازر : قوت اتحادده در ، ضعف آشتنده در . » دیر .

ته شایان امثال بردرس عبرت !

مادام که قوت اتحادده در بزده جان ویورکدن اتحاد ایدم . تأمین وحدت و سطوت دولت نقطه سنده اجتماع ایدم . هیمز برکی ایچنده یز؛ متحداً غیرت ایتمه جک اولور ایسه ک می بی مراسای سلامته ایصال ایده جکمز یرده معاذه قیالره چارپدیرر باتیریرز . تکمیل ملل متمدنیه قارشی عدم لیاقتمزای انبسات ایدهرز . چالشلم چالشلم ! مملکت مزده مدفون خزایانی میدانه حیقارمه غیرت ایدم .

۱۰۰

اسلامده

خدمات دینه ووظائف ملکیه

اوچنجی نسخه دن مابعد :

کتاب و سنده حکمی منصوص اولمیان بر حادثه حقننده یا ابا موسی ! قلبکده شت و تردد حاصل اولدوقده امان او حادثه بی کما هو حقها اکلامق ایچون فکر و خاطریکی اکا حصر ایت ، صکره کتاب و سنده او حادثه نک امثال واشباهنه نظر ایدوب آنلر حقننده نه حکم صادر اولمشه او حادثه بی ده آنلره قیاس ایلیرک حکمی اوامثال واشباهک احکام منصوصه سندن اقتباس ایله . برمدعی ینه سنی احضار ایچون استمهال ایدرسه اکا مناسب بر مهل ویررسین ، اکر مدت مهل ایچنده ینه سنی احضار ایدرسه حقنی احقاق و الا حصصنی مطالبه و مؤاخذنه دن اطلاق ایدرسین زیرا مدت مهلک انقضاسیله شک و تردد زائل اولور و مدعی ایچونده اعتذار ایده جک بر جهت قلماز . مسلمین بری بری اوزرینه عدولدر [مسلمینک بری بری اوزرینه شهادت لری حجتدر] ، فقط حد قذف ایله محدود و یا شهادت زور ایله مجرب و معروف و یا نسب و یا ولاء [۱] ده ظنین

[۱] ولاء: لغتده نصرت و محبت معنا سنه دره ، و اوک فتی و لامک سکونیه «ولی» دن مشتقدر . اصطلاح شیرعه ده عتقدن و یا موالاتدن حاصل قرابت حکمیه درکه سبب ارث